



25. oktobari 2017

UKA2017/120

Naalagaaffiit Peqatigiit Nunarsuarmi piujuaannartitsineq tunngavigalugu ineriartortitsinissaq pillugu angunigagai Nunatsinni ineriartornermi Naalackersuisullu sulinerannut qanoq ilanngunneqarnissaannik Inatsisartut oqallinnissaannik siunnersuut

(Inuit Ataqtigiit Inatsisartunut ilaasortaataitai)

Inuit ataqtigiit apeqquteqaat Naalagaaffiit peqatigiit 2030-mut anguniagaasa nunatsinni atuutsinnissaat aallaavigalugu oqallisissiaanut Siumumit imaattumik oqaaseqaateqassuugut:

Naalagaaffiit peqatigiit anguniagaat 2030 nallertinnagu tunaartat 169-it 17-inut immikkoortunut immikkoortiterneqarsimasut nunatsinnut pituttuisuunngillat.

Immikkoortut tunaartat 17-it saqqummiisup oqaatigeriigai ingerlalluarnissamik tunaartaqarnermut tunngasut assortoruminaattuinnarsuupput. Naalagaaffiunnginnatta suli akisussaaffiit aggulunneqarsimanerat naapertorlugit nunanut allanut sammitillugit peqataaffigerpiarsinnaanngilagut, naalackersuisut piunasaqaateqanngippata danskit naalackersuisuinut iliuuseqarnersoqqusillutik.

Immikkoortulli tunaartat 17-it taakku nunatta iluani atuutsikkiartuaarnissaanut pilersarusiorsinnaanerup nunatsinni pisinnaanera isumaqatigaarput, immikkoortut tunaartat 17-it ilarparujussui nunatsinni atuutsinneqalereersut ilisimaaraarput. Soorunami nunatsinni ineriartortitsineq aammalu pitsaanerusumik periusissiaqarsinnaajuaannarnissaq inissaqartuartaqarpoq.

Tassami naalackersuinikkut maanna Naalackersuisooqatigiit suliariniarlugit isumaqatigiissutigaat:

Inuiaqatigiit naligiissumik isertitaqarnikkut inissisimasut (1), inuiaqatigiit kaattortaqaanngitsut (2), peqqissut atugarissaartut (3), ilinniartitaanikkut tamanut periarfissaqartitsisut (4), suaassutsit pillugit immikkoortitsisarnernut unitsitsisut (5), imermik minguitsumik periarfissaqartitsisut aammalu eqqiluisaartuarnissamik pingaartitsisut (6), nukimmik minguitsumik atuisut (7), aningaasarsiornikkut ineriartorneq (8), suliffissuarni pitsaasumik atugassaqaartitsinerit aammalu ineriartortitsinerit (9), Inoqarfiit tamarmik pitsaasumik ineriartortinnissaannut periarfissiinerit (11), imartatsinnik piujuartitsineq aallaavigalugu pisuussutinik atuinerit (14), pinngortitamik eriaginninnerit aammalu avatangiisinik paarsilluarnert (15)

Tassa oqarluaannaraanni suliniutit nunatsinni pitsaasumik peqataaffigaagut naak pituttugaanngikkaluarluta. Tassa naalagaaffinngornissatsinnut patajaatsumik tatiginartumillu naalagaaffiit peqatigiit oqallittarfianni oqalliseqataasarsinnaalernissarput ajukkunnangilluinnartoq siumumiit oqaatigissavarput.

Pitsaasumik oqallittoqarnissaa qilanaaraarput oqalliseqataanissatsinnullu qilanaarpugut.

Ineqi Kielsen